欽 定 全 唐

文

欽定全唐文卷二百六十六日錄 たかいまというというとと 黄元之 李义 孫處元 重修順祐王廟碑 節愍太子哀刑文 對成都令勘學判 諫遣使江南以官物充直贖生疏 潤州江寧縣瓦棺寺維摩詰畫像碑 目錄 新工作出版社藏書

	<b>公除後請習樂表</b> 論則天不宜合葬乾陵表	殿善思 敬善寺石像館	李孝倫造像記	韋均
--	------------------------------	------------	--------	----

陽授質天地表形妙萬物而見情滋百實而見性神之用 明而極變化潤州城內期王神廟者漢高帝之從父兄也 夫視之不見聽之不聞理邃香冥事歸寥廓神之體也陰 處元潤州人長安中徵為左拾遺神龍初功臣桓彦範 也有用有體然後鏡窮達而通吉凶惟深惟幾然後緊幽 用事處元遺彦範書言時事得失不納乃去官還鄉里 欽定全唇文卷二百六十六 孫處元 重修順祐王廟碑 会が他之こ

爲翼星流電激鴞視鷹揚一麾而獲馬欣三捷而强彭越 圍壽春舉周殷之衆會垓下收項籍之功取臨江若拾 附代謀於應響之地垂命於容髮之間王洞曉龍韜宏開 欽定全層文、卷三百六十六 而騰氣龍與虎嘯乘風雲而扇威於是九四猶疑三千未 帝唇之裔豐谷之靈鍾三才而秀出應五運而挺生夫其 方桓文安足比致君堯舜拯俗阽危大敌荆宇妥藩漢之 分舊越猶推朽深謀出於不代異績崇於一時周邵未之 岁一泣三靈之能聡悲九服之無依波震塵飛亂海嶽足化成武堪靜難慷慨奮發伺風俟時兆示王雞災成

當陵之歌蟬蜺道窮變通古今之迹是非茫昧之理遺靈 悲厥迹之理能通命眾工精求班匠旋加刻削廣事雕鎪 當彼在官之譽抑揚治道含吐藝文溫恭儉遜總其樞正 職前刺史東平畢構親為祭文今刺史京兆章銑手薦輔 宅此歷代攸欽自昔二干石臨郡未嘗不先致饗而後花 而尚澄襟靜室攬轡中達藏往知來誠為易道窮高極遠 醢司馬上谷成敬荷高明下濟稟乎剛克之威俊又稱賢 不財問經言鍾化化之符克信懷珠之術既祠堂之號落 直廉清充其用津從烏府來佐鳳江萬里表最三台虛佇

欽定全唇文、卷一百六十六 壺之潔心同金奏之諧端右一州羽儀當代錄事參軍 皆徹由是人無天礼歲靡災異風雨調順穀稼熟成一 同有子之追寫仲尼等左徹之共朝軒帝精誠通於至理 勢外見於仙祇烟雲氣色似獲嚴疑之助日月照臨如增 晰司功參軍裝侑李眺等策名來仕清德在官不虧基 此於司馬不俟四天之位寧尸八部之樂威儀悉整蕭管 咸暨豈止一地為異雙鯉見祥袁真託夢於太元鄧艾通 降鑒之象延奉拳於戶牖遠浚壑於階墀衆聖盡臻百靈 之民食荷其慶長吏顏元孫舊德名家鴻才碩學性等王

終保清澂之氣安耿兮緩節絕瑟兮鳴箎始沐藻而祈 便與椒而降祉清光滿室瑞氣盈庭身以大唇先天二年 之餘彌篤敬恭之操盡申明薦咸勗至誠未窮倏忽之 欽定全唐文 卷二百六十六 萬古式揚粹烈爰作銘云 **畔容與物而崇清廟事通元妙光麗自然屏輸干載舟航 函質之情招乎福謙之佑無方無體至變至精顯道而** 而王與起必有藩捍非獨也周亦聞於漢於穆懿威挺 太歲癸丑三月戊寅南功畢夫寂然不動感而遂通極乎 於松羽救焚夷凶靜難功成不處德盛無鄰威同夏日 孫處元

**元之睿宗時人** 反像微茫不能味甘陳之識取維官遊不能探章玄之 教聖人所服得一永符樂天招福不行而至不疾而速 黄元之 伴陽春德盛伊何輔主惠民功成伊何没代留神神道 **圓冠掉九流而宗學海霓裳羽服乘六甲而下仙嚴雖魁北藏福東三奇於紫掖崑西運軸森萬族於黃輿方** 用靡窮聰明難瀆欲達吾信詞陳史祝 潤州江寧縣瓦棺寺維摩詰畫像碑

|或歸之於無物或得之於默然邪正於是路殊語言由其 言淨名居士也沒於妙喜之國生於毗邪之域大仙那提 不可以名言得虚有之妙不可以智力知三千之淨土無 邊八萬之法門虚受能住不思義解脫者也維摩詰者華 とかとなるは、こととなることで 仁義與禮樂可遵未出死生之境昏默與清虚可尚德居 無起無住不去不來空色空而取真空滅生滅而求寂滅 之子常修梵行世號白衣居士馬故總妙園明現身方丈 干萬劫量其遠近三十七品語其功業者哉況性相之微 天地之先且造化以六合為功聖人以二門分教豈夫百 黄元之

空留長者之名亦猶百谷之王以下莫能大六虛之相居 高而自卑居士之洪謙也若乃移外方之諸佛一室規乎 向而身為白衣讓金栗之尊未即如來之位晦王毫之 作梗諸惡延災衆生站焚溺之悲合識迫傷夷之患由具 四天對樂世之衆生一劫成乎七日毛孔之內鼓大海之 波涛芥子之中帶須彌之獻將鄉世界於恒沙之外不學 不知稱高堂於大會之前同瞻同仰嵐風動地口吸莫以 斷居士之真宗也若乃家室不離而教傳緇服天子迴 分子をランえニアプラブ 難猛火燃天腹貯但聞其一居士之神通也若乃羣邪

之而必應是以五百弟子同稱我不堪任二千門人盡得連恭聲於四泉亦由明鏡內鑒照之而不疲洪鐘外發扣 振襲不能變布釋之容外道推發不能竊真如之業居七 醉象除檀智建面縛四魔智夠纔揮心降六敗故使波旬 於有言方形於問答宏乞食之理須菩提但覺茫然間宴 騁自在之力縱無礙之威破煩惱而擊怪貪斬毒蛇而 之成力也若乃非相成光乎是相故見於威儀無言假道 坐之談舍利佛不能加報摩訶迎葉息言於二乘大目捷 無生法忍居士之靈辨也若乃智總大雄心行菩薩雖人 欠目に重しる民主にて 黄元之

成時化時不違於本願光嚴悟矣行念其道場新學豁然 我無相以拯救為懷憂本無憂憂凡俗之憂病本無病病 聚生之病富室貧里等資其福田酒肆姓房廣談其善誘 疾菩薩愛惱於是併除犯律比邱疑悔由其傾蓋居士之 利益也若乃恭承父訓事方便以崇嚴瞻望母儀奉智用 坐知其宿命展持乳鉢未息麤言中設飯盂普均香氣有 而資受結齊層於法喜坐部宜家期上足於塵勞行同 雨而同潤居士之慈悲也若乃前際後際無珠於因緣 知去重昏之小翳朗惠日而無私與一中根之大蓮君

金グヨ星ブルネデブラ

大臣自事と、朱三百七七 轉近路迢通應緣而攝梁津兙濟恢勇猛之志則火閑 味詎假珍羞解脫充漿寧思王液奏法音之樂則絲竹藏 思之果秋垂無漏之林淨妙之花春發總持之苑禪悅 品所有居先伴侶水真度法由其見託居士之宗黨也者 上棟下宇空寂爲輸奠之資淨服名衣慙媳入裁縫之 燒異品之香則旃檀罷郁居士之遊處也於是隨意所 開八正之路則眾馬交馳坐四禪之狀則身心不動智 因風起對共賞慈悲他日趙庭獨推誠實知識慕善 虚之因則水中現月法本希有若都優曇之 黄元之

三和而王羊現將益四生之福爰開十善之因精舍廣祇 寶臺之供我國家神明造物聖政調時滌瑕穢而王鏡清 開而六念作雖聽龍改地共尊金聚之儀水土遷行長奉 濱罔有弗與普天之下共惟帝臣京城積而銅爵鳴鐘鼓 天讚仰而無暇十地攀接而無階王者資而九有清羣生 弟子差稱多問行其法者則七種學人莫不愛樂是致 **浇訛而撝大朴牢籠七十七代鬱映萬八千年率土之** 道之將行大備貝多之葉舉間浮之國土禮敬忘疲想 女 全居つい オニーンス 那之人天聲塵不朽居士之遺跡也得其道者則三乘 四四

之寺馬昔有晉莊嚴淨域時梵侶以規模雖廣雕飾未嚴分虎踞之山鴈塔枕龍盤之水總幽閒與形勝則瓦 之都三分入王孫之國禮讓流行之地英靈誕秀之鄉 軍顧愷之所畫也爾其上纏珠斗下控金陵六代馬天子 ·施財莫匪鳴利顧君乃連扣資數百竿逾千萬大衆胎 水念粹華每疚懷於須達共成圓滿而假力於檀那 不知其然君習氣精微洗心開雅雖纓升混俗而績素通 平成於是乎汲引在江寧縣瓦棺寺變相者晉虎頭將 いしている。ことのできていることです。 揚淨名之教萬姓資其分别八方暢其休 黄元之

青鬼亂飛俄爾而銅山崛起納繪帛者繼踵施衣布者架 路爭趟車馬軒轟傾都磁集王貝交獻須臾而實藏忽盈 夜明聖客開而道俗親振動世界謂彌勒菩薩下兜率之 神者孰能與於此乎雖江山寂寥居處緬邈年移代改留 多近全馬文本者言づけ六 天照耀虚空若多實如來踊者閣之地由是士女駢比擁 肩當鳴利而雖則可驚不崇朝而過其本數非夫精義 侯歎過除之駒郭是人非丁令化遼城之鶴由是觀其道 西域之變妙思運則冥會能事畢則功成神光謝而畫 乃白緇徒令其粉壁於是登月殿掩雲扉考東漢之圖

員再擁文侯之等長史薛宏以仁賢雅望迁德於仲舉之 之祭千里負專城之寄移風易俗頻垂董相之惟揖道 之念信受演說之旨大布於人天住持負荷之規實存於 歎詠相好之有靈哉頂禮者肅如在之心瞻仰者發歸 視眉如忽嚬口無言而似言鬢不動而疑動豈丹青之所 與司馬成景質以卵相高才屈跡於士元之驥俱遊六 牧宰刺史楊令琛懷軌物之量韞不伐之才五服當列土 場妙矣謂應供而來儀牀枕儼然疑有懷於問疾目若將 次定全事文、悉二五六十六 貯籯金而常滿其逢三朋攬衣珠而永悟縣令陸彦恭 黄元之

神俊遊境宇恬虛雖馴維已彰實割雞馬用風亭月牖還 金与各層口即多二三 之彌高現牢官之身則威而不猛相門出相兹馬在兹什 開見實之詞石冷泉清頗心分襟之賞修菩薩之行則仰 聞搏擊鵬衛栖遲鳳沼豈徒播兹風化奏彼絃歌而已哉 **丞鄭孝義逸氣飛騰英懷倜儻擢命世之標幹揮舍人之** 記遠主簿于植才藝早著水鏡長懸將騁 驥於高門先漸 朋友推其令譽人吏偃其高風歷州縣而暫勞獻鹽梅 族宏才博學再閱康成之門愛客好賢重親當時之驛 彩我之自出鳳樓鳴五色之難家之積善牛渚降九派

億耳而齊縣博達多開與阿難而並為言論辨了有類 賢聖接頭比局一十八之関 挺秀覺意圓明屈拔提之尊號懷盛明之忍辱四十二之 見公侯而必復寺主曇影及徒家并諸寺大德等並法身 欽定全唐文卷三百六十六 九專惟青天之是關家裘不墜望台並而相輝堂構克隆 鴻於下位尉史惟清以雍容儒雅門專秉直之風以磊落 流笙簧二諦邑人左補闕馮宗右拾遺孫處元等並資忠 性利根更嘉為掘故能經行不倦拯濟忘波模楷 巖引乘箕之宿則知龍駒千里非黃綬之所羈鶴 黄元之 虚心持目想勇猛精進將 九

位共拂天花接比邱之末行同窺聖果昔讚舞鸞之化每 而志與道俱思惟必在於佛乘夢想無忘於梵行觀居 不讓於當仁弟子習添詞場頻權桂林之秀言瞻法字見 育德華省馳聲或長揖九後或光膺八命所以東南蓄寶 履孝抱義懷仁凝大江之精靈鬱高山之景行莫不衡門 左有人馬既而道俗披誠賓僚託款濫見推於相質遠 祇樹之遊觀泡影之皆虚悟聲色之非實雖心為形役 於不二之門躬奉尊顏跪履於大千之界託菩薩之 跡不可思議閱居士之言得未曾有恨不親承聖旨捧

元氣治治大匠存存鎚鞴精粹折託乾坤四生有劫六 無門愛流夕派塵飛畫昏其魏哉世雄應期來現妙矣 士的絲利見大庇生靈遂荒臺殿劫塵遐邈恒沙法遍 於赫有晉像教斯傳續事開 義是以敢作銘云其詞曰 高蹈金栗振動人天津梁道俗火宅垂陰幽徒炳燭 米寂寂虚室閉閉文殊奄至波旬遠還拔毛沃海剖 願於揄揚今從問賜之遊豈得默而無述爾時欲重宣 地分珠柱天潤王顏三智惠無邊威靈具足處延 よったと 矣靈儀在馬神光夕照

欽定全唐文、卷三百六十六 六天陰南斗地擁東吳江山作固臺壘稱都俗富英俊人 八薄遊淨域永念毗耶香如致飯衣似持花願容示疾敢 多給孤莊嚴結構炳焕規模其瞻彼邦邑婚茲家東化 降邪室懷方丈會想無遮其香香三界茫茫九有瞻 同母馳四海冰王常瑩松筠不改迺捲道場肅馬如在 容思惟受手式刊貞石愈圖不朽盛烈鴻名天長地 朝圖枪如電掣皎若星懸五我皇垂拱艇膺實位控 陶釣萬類法闡妙有靈通夢寐政事以和物無不利

微品雖雲雨之私有霑於末類而生成之惠未治於平力 景龍中累遷中書舍人修文館學士景雲初封中山郡 開元中馬紫微侍郎拜刑部尚書卒年六十八贈黃門 大臣自事之一矣二十十七 來矣伏以聖慈含育恩周動植布天下之大德及鮮介 江南水鄉採捕為業魚鼈之利黎元所資土地使然有 义字尚真趙州房子人第進士舉茂才異等累調萬年尉 盜曰貞 諫遣使江南以官物充直贖生疏 李人

福勝彼 之百倍未若回救贖之錢物減困負之徭賦活國愛人 則所濟何成用之黨多則常支有關在於拯物豈若憂人 且衛生之徒惟利斯視錢刀日至網呂年滋施之一朝營 欠とよう。まニュラーマ 則江湖之饒生育無限府庫之用供支易殫費之若少 對成都令勸學判 得成都令江延調縣中子第二十已上除其 徭各率環刀一密布十令詣太學府司科擅 錄事批放仍舉科諸生謀殺之罪

劒門之路五千獎行鄭魯之風思變彭岷之俗上琴臺而 遂有歌於朝刃不漸文翁之化有逾原壤之極擅賦之 欽定全唇文人卷三百六十六 子弟是蠲徭賦環刀密布聚糧求任土之資發裳負笈函 馴翟依石鏡而翔鸞將宏富教之宜用廣文儒之業爰調 錄事之批爲得 席就橫經之道惜乎英靈莫嗣曾靡尚於摳衣剛悍猶傳 江延之何負謀殺之狀顧諸生而已彰上藩之斷頗乖 膺訓俗功许臨人拜職周京銅章之秩六百隨班蜀國 |應列星惟帝稱難邑宰下宣風化得人斯委江延 李义 王

維景雲元年十月朔日節愍太子梓宮敬自鄠杜粵某日 赴窮泉而真返皇帝懷副君之大義降猶子之深慈飾忠 皇王帝子攸降乾男以將邁德誕靈懷文抱質漢臺占 幽 有恒其詞曰 烈於逝者備哀樂以送之漢幄虚侍周牆肅事思臺空築 將陪室於定陵禮也屋衛初列鳳仙將遠閱少海而不留 雲流社白水貞祥祀及百代威加萬方勃為家國赫 **埏永尉金相兮王裕揆行兮旌能峻節兮無泯芳聲兮** 節愍太子哀刑文 欽定全唐文卷三百六十六 是斷獲戾宮朝歸魂霄漢白駒過隙蒼蠅止藩水逝西沼 敬老祭永玉七龍殷瑜珮三善不忘四章旋速過闕則下 霜彫北園鶴關誰駁鳩里徒冤瞑目於此傷心詎論嗚呼 是謂元子光府孟侯少陽正位太學知道春誦夏紅尊師 自舉夜月嘗遊體為推移書成重鄉典戎仙衛作牧神 秦宮近日敏對不羣能言罕匹藝該百變詞含六律朝 入廟斯超日仁與孝終始不渝聖敬日跡溫文歲廣望高 邪臣作蠱匹夫知惋不顧身尤將夷國難忠義斯仗謀飲 周副才優魏兩周事有倫出言無黨政成中外聲溢天壤 李人

指牵牛以南渡乘飲龍而北係顧青舍今非春掩元扉兮 哀哉去日淪暉前星墜彩形神溘謝德音如在物是人非 促潜着兮道悠惟聲華與純懿比金石而恒留嗚呼哀哉 欲問安於神理五營成列萬國成酸挽鐸朝喝旌塵曉寒 伊何思隆典冊即鳴鳳之岡鎖敢占馬之隧宅人辭中壘 之桑鳥思平陵之柏地如伊水山連紀市嗟委化於仙期 大慕音之來矣銀牓銅樓今之往兮曠野荒印冉冉兮辰 年移運改聖朝延監徽章有待有待伊何慶逢開闢延鑒

人にと手とき気に下され 通直即行強州富平縣丞幸均比為慈親不豫敬發苦 大战至坐妙矣能仁濟世無德歸功有因潜開覺路暗引 謹造像一銷敬為銘曰 火完折分給園宏誓換龍自釋聖人之德不可思議弟子 原夫六座不染五蘊皆空將草奉迷爰登正覺大雄見世 既開方便之門真諦乘時更顯因緣之路是以者山廣演 均長安中官雍州富平縣丞 心今者所苦已廖須表證明之力遐徵琬玉近備雕鐫 韋均 李孝倫

金另合月了四名三十二二 神棲縞霧延妙業於三珠爰擇勝畿幸修靈像質融虬彩 孝倫武石時守記室麥軍事 迷津順迎光於孝道永錫壽於慈親 華椒掖蘭儀湛秀緝美蘋隈而思惕紅沙浪真輝於五劒 **猷不墜緊此賴馬紀國太妃幸氏京兆人也若姿含綺** 自鶴林祕彩鷄山蘊迹甄睿像於貞金刊瑞容於芳琬風 若夫銀枝毓祉締靈影於金園劒兩銷氛飛惠液於沙界 敬善寺石像銘

飛照懇誠已罄茂績其凝化鳥旌越海之功藏龜彰拔塵 之果昭昭峻紫難可名言者哉加問一疑石疏基均霜表 隨風終淪關一住孰亮三空大雄降迹元津斯演瑞浦澄 二靈已散一體未融動植滋夥物象相蒙情氛委岳識浪 影襲鸞霧月逗仙河分紫眉而汰色星流天遊朔紺瞳而 流祥山開燉雪童戰勝檀林異善了義西宣妙輪東轉華 潤攸在震區有庇望影成圖尋光必萃專惟德範夙探微 於桑海宏規籍石諒終期於芥城其銘曰 地川潔桐園之葬風送杏嚴之香雖淨鏡開金慮睽闕 たたしたはない」のは、コーマーマ 李孝倫 嚴善思

天文小相之術睿宗在藩善思言必登帝位既践昨拜 為監察御史稍遷太史令景龍中累遇禮部侍郎善思精 散騎常侍唐隆元年鄭愔謀冊譙王重福為帝偽制除 外崇臺臨家月滿映臉蓮開香烟起霧梵響舊埃南控衛 金炭全唐文卷二百六十六 善思名誤同州朝邑人以字行消聲幽藪科擢第武后時 日長懸隨山永固 嚴善思 **詣道雖忘聽容乃喟珠瓔褫玩銀藏傾財林中寫塔西** 北馳春路萬室迴曬四依殿步撫因共植披文同悟比

神明之道體尚幽元今乃動眾加功誠恐多所驚贖又若 臣開葬則天太后卑於天皇大帝令欲開乾陵合葬即是 臣謹按天元房錄葬法云尊者先葬卑者不合於後開入 別開門道以入元官即往者葬時神位先定今更改作為 以卑動尊事旣不經恐不安穩臣又聞乾废元闕其門以 石閉塞其石縫隙鑄鐵以固其中今若開陵必須鐫鑿以 1. 1 /1 the 1 / William 12/17 論則天不宜合葬乾陵表 青事覺配流靜州赦還問元十七年卒年八十 嚴善思

多安全屋文、港二下ライン 總萬機二十餘年其難始定今乃更加營作伏恐還有難 害益深又以修築乾陵之後國頻有難遂至則天太后權 **陵墓是完必須勝地後之允嗣用託靈根或有不安後嗣** 已降始有合者然以兩漢積年向餘四百魏晉之後祚皆 生但合葬非古著在禮經緣情為用固無定準况今事有 傍更擇吉地取生墓之法別起一废既得從葬之儀又成 不安豈可復循斯制伏見漢時諸陵皇后多不合葬魏晉 固難長享代益住漢朝之故事改魏晉之頹綱於乾陵之 不長雖受命應期有因天假然以循機享德亦在天時但

欽定全唐文、卷二百六十六 懷生孰不慶幸 人之道必安死者之神永泰伏望少迴天眷俯鑒臣言行 葬失其儀則神危後損所以先哲立範具之葬經欲使生 益然以山川精氣上為星象若葬得其所則神安後昌若 以神道有知幽途自得通會若以死者無知合之復有何 臣伏見太常奏公除後請習樂以供郊廟亭祀奉勒不介 古昔之明規制私情之愛欲使社稷長享天下又安凡在 固本之業臣伏以合葬者人緣私情不合者前循故事若 公除後請習樂表 嚴善思

不爲禮禮公壞三年不爲樂樂必崩是也以樂因陽來禮 之新禮斯實存至公於天下割巨痛於私情祈往稷之 潔之祠有認兆庶於是不安所以變諒聞之舊儀遵適 由陰作樂崩則陽伏禮廢則陰愆風雨或違染盛遂闕豐 廟寢祈福於近郊何以昭永思於上元助成功於先聖考 而祖考來格今陛下以服未一周久停六律稽象德於太 之典禮恐或未安臣以漢魏喪禮以日易月者蓋爲三年 行均四戶故哲王垂制被之樂章六變而神祇降餐九成 臣與眾官詳審以為樂音氣化所以感天地動鬼神調五 欽定全唐文卷二百六六 安庶宗廟之長享孝道之大何以加之使漢魏之禮未然 常所請許其教習 則當自我作古況其得禮之變能可越而不從伏請依太 嚴善思

· · · · · · · · · · · · · · · · · · ·	金仙長公主神道碑銘并序	徐嶠	潭州都督楊志本碑	對本正為主判	<b>嚴識元</b>	劾宗楚客等疏	<b>崔</b> 琬	欽定全唐文卷二百六十七目錄

RECEIVED THE PARTY OF THE PARTY

汾水新船賦	南郊賦	徐彦伯	對築牆判	置都督不便議	論突厥疏	盧俌	為敬暉等論武氏宜削去王爵表		欽定全唐文 卷 百六七 上金
-------	-----	-----	------	--------	------	----	---------------	--	----------------

|--|

次定全喜文人美三百公 欽定全唐文卷二百六十七 專作威福敢樹朋黨有無君之心闕大臣之節潛通檢狁 之地不能刻意砥礪憂國如家微效涓塵以神川嶽遂 尚書同中書門下三品宗楚客侍中紀處韵等立性險該 臣聞四生項領良御不乘二心事君明罰無放謹按兵部 **琬中宗朝官監察御史** 志越溪壑幸以遭逢聖主累忝殊樂承愷悌之恩居弼諧 崔琬 劾宗楚客等疏 崔琬

とうとノントンはえニーコイ 請收禁差三司推鞫 外之交情狀難測今娑葛反叛邊鄙不寧由此賊臣取怨 處納晉卿等騎恣跋扈人神同族不加天誅詎清王度並 恩厚禄重權當朝莫比曾無悛改苟徇贓私此而可容孰 中國論之者懼禍以結舌語之者避罪以針口但晉卿昔 納賄不貴公引頑凶受駱無限聽問充斥穢行耶彰且境 居樂職素關忠誠屢抵嚴刑皆由聽貨令又叨添頻沐殊 不可恕臣診察直指義在觸邪請除巨靈用答天造楚 

洪波振海終不到於蓬瀛流電促人詎有固於金石無不 識元武后朝官魏州刺史後為兵部郎中 现遊北斗水閱東川咸促半夜之山共盡明朝之露聞· 獨立親屬蔑如秋蘭匪植於庭砌春華記榮於棣萼眷言 水閉但聞松柏之聲總帳空懸無復綺羅之色惜乎丈夫 不幸一去無歸洛川之風雪共銷陽臺之雲兩俱霽泉門 對本正為主判 婦人聞人死無親族兄乃為主本正亦為主鄉 人吊者兄拜爭為主関 是戊亡

欽定全唐文《卷三百六十七 為主寂寞無人切哀痛於仁兄働悲凉於本正爭承即禮 嘆息之聲晉武皇緝垂拱之化以為統世御俗政平訟理 以奉若天道緩厥兆人潤飾宏業光發微頌昔漢宣帝憫 競執喪儀未終白鶴之樂節盡青蠅之哭縣可直申情理 與我共此者其惟良二干石平於戲楊公德邁其職振文 惟天子主萬那家六合內有百揆四岳外有州牧侯長所 非究禮經徒開弄法之門未杜簿書之路竊尋州斷實允 公途以鄉主喪雅叶春卿之禮捨兄於罰殊乖秋典之文 潭州都督楊志本碑

举入天是以德富者其胃露繁英多者其族雲蔓故朱輪 渥彩通侯震於十人白環深慶太尉傳於四葉天才雄逸 宗權與自此矣夫法源濬泉則派流括地盤基窮麓則峯 也其先出自周姬有伯僑者享封於晉食邑於楊命氏立 舍人臨海王府長史開蓬蔣遂交愛等九州刺史武康節 平博施於人而能濟眾者公諱志本字文範宏農華陰 自得曹植相推地望增華恥與王珣爲比會祖晉陳內使 典肅恭明神而敬事者蓋旌別淑愿俾克畏慕可謂其庶 翁黃霸之風粹迪郭質賈琛之道精展慎財賦而行其禮 ... 是说记

管絳州刺史上柱國宜春郡公邑五千戶自吳飛楚聲軼 邈之居省割珪符於比景異俗知歸聞鼓吹於中質累朝 欽定全唐文卷三百六十七 屋前元 新君延茂秩於開府旣而隋綱就她唐讖行徵公坐聽她 湛盧從趙入秦價先和氏江南舊國委崇章於大樹關右 司渠芳等五州刺史上郡北平等五郡太宁皇朝營州總 加贈大父林甫陳貞威將軍廣州都督隋上開府儀同三 有詩入文會集精詞偉賦能豔瑰音偶鄉陽之曳門代徐 公隋贈上開府儀同三司青藍等五州刺史有集行於代 分暗期龍躍同荀或之去紹來議深根等馬援之群器歸

戟門巷紛紛芝蘭玉樹階庭華華公吸太和之英液稟高 府庫直太宗文武聖皇帝贈感舊賦一道詩三篇歷茂梓 次定全害文 卷三百六十七 純自結早申獻帛之誠吳質舊遊時蒙枉騎之眷幡旗長 之彩岐嶷自深惟友惟孝蒸蒸然純至日茂豈待乎浸潤 明之淑氣松骨始萌早抱凌霜之操瑶精在璞更樂成虹 陳聚米高祖神堯皇帝深多決勝實念疇庸冊命且隆法 之功而後滋也年甫六稔即丁内艱號不輟聲泣下成血 三光而析壞循良是屬寄千里以專城烈考琮皇朝秦王 州長史沔綏二州刺史上柱國叶對經綸預參康濟耿 嚴識元

成知審克離石之境自以無冤轉桂州都督府法曹參軍 登學貴戚成遺其書王祭在門中郎遠倒其履格不期峻 絕漿絕粒毀劇成人大連少連曷云克邁自是名韻激 藝質汪洋希風者刮聽而彌仰挹道者洗矚而欣契杜安 五行以成三德習于公之待封憲陳氏之特寬樓順之南 可以灑桶編爐排之於大川則可以衝濤截波矣年三十 右親衛調補石州司法參軍鵬圖未聘鴻漸初升惟敬 且高標削成量不期深自有天琛水怪施之於夏屋則 行察悟囚明慎用法而不留獄都督問道務以公外

南市閩闕 背於驗節全其貞將軍北旋猶見精於意故大夫南使亦 次定全事文學美二年六十七 方釋服關授始州司法參軍公九章惟精故三政居里小 生人之所難凜然有伯夷之風矣以外憂去職百里而趨 受遺於金裝而公散國財市蠻實混之不濁涅而不緇易 西屠握水衡之錢權御府之產悉剖蚌泣鮫之巨脹窺結 襟同潔石性渾堅庇惡木而深恥飲貪泉而不易奏充領 三年無改長與哀苦國主念以增憂次翁服竟郡守逼而 珊瑚之怪穴自異時魁傑之士以事而臨其地罕有聲 珠王使恍恍五崎皇皇百越路窮南服境淑 嚴職元 Ī,

折坂滑壤沮塗且疑泉覆淫澍不開莫殊天漏公審量 官考整畬相墳行申李悝盡力之教行商鞅急耕之賞候 戎軍靈關道支度運糧使七羌九兵時間暴梗徵師練卒 眾斯悅矣奏雍州司士 關邑人斯附矣遷叩州司馬兼平 依馴災蝗折去鐵庫兵以為器彈鳴琴以坐堂淮海之 令加朝散大夫遷难州吳原令道德齊禮風移俗易野瞿 大必察治於人心紫蒙軍大使尉馬周道務奏充營田判 白ケミスラーオニーニー 采落花動深曳棘故軍賴滋殖人無阻機轉揚州高郵縣 張威防密徑通蜀窮關抵駹歷嚴道之邛崍綠漢嘉之 

土崩矣百姓之心搖矣則天皇后有命分塵寡懷撲燎班 通棧之地邑戶遷逃壓里疎寂版籍徒紀征賦缺如公綏 **驢不絕軍戎以濟豈慙流馬之功才幹方申猶兼展驥** 破城邑殺略吏人激傷血於燕冀鋪割物於恒碣兩河之 空既賴王祥之績吾無愛矣實惟蔣濟之能制公檢校棣 任轉始州長史限以劍閣阻以石門張載勒銘之所范 算廣蓄邊儲率擔夫城魄卒膺陳墮腹脛危魚顏鳥煩轠 斯懷集之斯至墳無輟享之鬼家有戀本之夫那國不 刺史俄而東胡叛換北狄猖狂鴞鈔虎飛海蹙雲沸殘

事潭州刺史建麾涉境先求異行停與決訟應變如神與 德闔郡知方息競以義眾事攸放貪残盡去自使乳虎浮 封守威以震敵惠以保此故得境内無拆聲野外無塵影 江災疫不生即有牵牛入界尋除都督潭衡等七州諸軍 江带青林之浦公敷國典灑朝恩斟化源撰軟懿鎮動以 告羣后時惟念哉公拜書而泣杖節雷歐申畫郊圻慎固 欽定全唐文 卷三百六十七 授使持節斬州刺史斬州無迥楚風輕亟磯連黃石之山 猶祭形之有勇虜不敢窺若李廣之能飛寇恒警避賊平 一書得失每詢於三老且青陽舊城白鷺通浦

維長安四年秋八月十七日薨於州館享年七十有七號 官歲久懸車禮及宜遂請老之誠以就歸閉之美可聽 深惟退身之誠頻奏乞骸之表制日潭州都督楊志本 控引江衛括集山谿交貿所競冠盜斯雜示之以無欲盗 及於周次風化穆著於衡湘矣公以老浸生危官疲神 子悅化以歸農激之以至淳浮客感攜而請賦故年景未 吹走全害文 巻三百六十七 仕於是高謝方鎮卷懷條察做圖輕舸特去江潭言念安· 展游田里而災禽集舍息馬歸山長沙捐壽昊天不弔 沸境慟庶萋庭莫不若喪慈親願行衰經雖倉慈旣及 嚴識元

席俸禄必散於孤親車馬共散於同友實漢元以來永有 慕汲黯寧為管仲維迹在公匪懷私已率誠任道深祈利 激深慕於圖形郭伋云亡注價思於配社亦茂兹尚矣惟 縣學成淵海隔風雨而恒觀辨若奔濤鑄鍵機而不發常 而幹以洵直宏虚受以廣納資用晦以沖謙遊其域則童 物位愈高而魂益属績既疑而心更勤食不貳味居不 幼警其卑野賤忘其窶泳其波則驕伐以酌損剛戾以克 公姿範端疑精符朗秀器合經濟而緯以斯文才抱圓通 瑰節霜明偉尚煙竦橫德輝以樂邦族鏘嘉聞而滿區 フリンプラニニン STATES OF THE RESIDENCE OF THE SECOND OF

武子之階終聞許合以大足元年卒於斯州官舍春秋六 禮纖累不挂於心浮偽豈迴其首肅侍巾櫛勉執紘延邈 次定全事文人卷二百六十七 周仁光下速允釐中事載穆其序端儀題軌抑不可選軟 邈承姑獲茝蘭而必獻拳拳訓子見俎豆而斯寧義渥旁 田疏畢陌樹鬱平陵立石前傾依然哭鳥之象野墳旁野 十九學神龍元年八月二十五日合於成陽舊坐禮也 悲夫朝露未晞雲無處所同辟司徒之室初得賜封在季 **鄶國公儉之孫也體備柔閉道鍾清懿言而可式動必由** 可若斯人也夫人昌寧郡君河南長孫氏周尚書在僕射 嚴敵元

嗣服穆穆厥聲恪順克孝資忠以貞回涯江涯朗節霜 我公侯宗磊落襄糸豐融世有象賢門傳清白牧守連起 別為埋鹿之標有子前水州司功景前左動衛鼓等鳳毛 金ケバノン ジョニン 龜大樂電龍友先風三軍可指千里易窮疇克光配洪惟 采章重赫義叶奉圖寵深同席德邁不置慶流斯積昭哉 之義迺虔集洪懿俾勒於翠石敢推不朽焉其詞曰 報之誠罔極矣將憲平銘鼎景鍾之述兹所以昭德紀功 之喪潔比潛沖不受源州之贈封樹畢矣晨昏已矣永言 齊整麟角早成孝思既深觀行無缺勤兼叔度遙迎蜀漢

欽定全唐文人卷二百六十日 嗣兮精孝泣昊天兮思重仰構代兮昆吾琢真石兮冬竦 雙棺合兹漭昧真宅穹崇邱冢客土新封行椒舊拱惟哲 府吏歸殖江神斷娉辭惡今行恩愈謝病如何迅息不享 偉化房職雄謀昔離斬服去思猶詠今鎮湘潭來歌轉盛 轉食邛郵稔應銅雀邛來木牛自此康海旋移蔣州人安 愠色肃傅皇皇飲冰翼翼屢酌貪水寧惟踏意典農燕塞 期頤鷹隨牵桃虎送還輛短矣清室孤魂久嫠旣詢鄒母 徐崎 林直秀吏道旁精爰視決曹志清叢棘人有哀淚形無 嚴誠元 徐崎 九

關先帝尚其誠心不奪雅志以丙午之歲度爲女道士 播於問高宗天皇大帝之孫睿宗大聖真皇帝之女我開 崎折唐書字維嶽贈吏部侍郎師道子歷趙湖洛潤三州 關各縣之懋功承元元之上德故真氣全於乙妹道闕 臣聞昌容駐齡入遊恒岳觀香飛解受道綠山皆名列仙 刺史入為中書舍人大理寺卿贈左散騎常侍 無下先帝之龍潛藩即公主以王女受封蓋龆此之 ·形闡夙承訓於奴則生知女範少協成人兌悅其儀 金仙長公主神道碑銘并序

卅 閼 鴉於不天泯貴賤以同塵冥門至如元母七寶之始王 以處豈不謂高其節行寵其剛委氣大塊休躬天釣齊彭 四重之樂咸標上 玉滿堂賤之莫闕 之宫間氣將異風不散故得佩王母之秘鎮呼五女之 有四主上以天倫之 辰旣下 鄉鳳城銅闕巍我豈惟南裔之域銀題赫奕何問 姜鳳凰樓中 一千四百户雖湯冰增賦貴盛當時而 訣不 聞學簫之素女屬先帝府圖御 獨開彰實歷而應天極麗窮神以宴 闕 涂高 停即形於東都開元觀春 關 於吳國 字闕 争 西

欽定全唐文光卷二百六十七 貴常棲道德開 初備監護之儀銀青光禄大夫將作大匠上柱國門紫氣 尚遠權定伊洛今龜言既開 然解攜園基柯爛椿菌年齊立動切號一件各之間歲叶 叛首虞妹娥皇帝子傳載封陳詩歌 機率歲鞍九 問 留跡徒聞開 於函谷白鶴送於終山瓊鳳哀鳴咽薤歌而欲絕黛雲 章二京樂土雙陽一藥脚大數萬物同整奄示長息脩四二京樂土雙關一藥下大數萬物同整奄示長息脩 百里比 問水豈學平陽二有性閉蛇韞暉元點匪傲榮 斗而飛去幾切仙羅之拂石乃爲銘 縣下降月元女排煙羣遊瓊圃序業金 陪葬阿喜縣開國男裴允

權授沼州一歲三遷自南祖北旣近都邑忝竊彌深戰 春首餘寒惟闍梨動止安隱弟子虚乏謬承樂寄蒙恩雅 **侣市泉燈一門兮無光壽陵萬古兮相望金鼎玉**脚 先遠陪葬橋山東解鼎邑西度函關巽風下靈妃時過 願珍重忽忽不宣弟子徐嶠和南 欽定全唐文 卷三百六十七 時慙惶失據便即抵命末由頂謁瞻望山門但增懷 洺 州帖 徐崎 岑羲 土

出為陝州刺史復悉刑户二尚書遷侍中先天元年坐預 羲字伯華侍中文本孫第進士累遷太常博士神龍初拜 其不更王故三皇氏沒而五帝氏與夏殷氏衰而周漢氏 域中之大寶必順平天命思考前古詳觀帝業皆不並與 少監進吏部侍郎右散騎常侍同中書門下三品睿宗立 臣暉等言臣聞神器者天下之至公必歸於有德皇極者 太平公主謀逆誅 書舍人坐為敬暉草疏請削諸武之為王者左轉必書 為敬暉等論武氏宜削去王爵表

時之序天地不能變變之則霜露不均水旱交錯自有隋 威天地之運也必合乎四時春往則夏來暑退則寒集則 失御海内崩離天歷之重歸於唐室萬方樂業荷撥亂之 知五行之數帝王不可達遠之則宗社不安生人不理四 欽定全唐文《卷二百六十七 自宏道過密生靈降禍百姓哀號如喪考此則天皇帝臨 作何則帝王之思數必應乎五行水盛則火衰大衰則金 害宗枝誅夷殆盡英藩賢戚百不存一餘類在者投電荒 功三聖重光布生成之德可謂有功於四海有德於蒸人 御帝圖明目達聰躬親庶績則有讒邪凶孽誣惑叡德搆 岑羲

即士下及蒼生黃髮之倫童兒之輩莫不歡欣舞抃如見 室藩屏豈得並封故知事有升降時使然也今則天皇帝 **僭稱改革武家子姪咸樹封建十餘年間實亦樂極時唐** 裔冤酷人神感傷天地忠臣義士實所痛心自天授之際 望今皇業重搆聖祚中與神祇之道有助於先德矣黎人 父母豈不以唐家恩德感幽祇之心陛下仁明順天下之 厭倦萬務神器大寶重歸陛下百姓謳歌欣復唐業上至 被無負於陛下矣臣又聞之業不兩威事不兩大故天 一日土無二王前聖之格言先哲之明誠自皇明反正

諸王身計亦適將有損何則處之未得其所居之實恐不 時武氏諸王亦分外職今並居京董不降舊封天下之心 問命已去爵重則難保禄薄則易全又則天皇帝親政之 賦邑萬姓失望卿士寒心何則開闢以來罕有斯理帝王 竊將不可陛下縱欲敦崇外戚曲流恩貸奈宗廟社稷之 安陛下雖欲龍之翻乃陷之不遵古典故也且唐恐有歸 **歷數乎乖四時之寒暑乎又海內界情朝廷竊議爲武氏** 之道實無此法陛下縱欲開恩以行私惠豈可違五行之 天命惟新武家諸王封建依舊生者既加茅土死者仍追 

臣實為唐計伏乞聖慈俯垂幹約 情之小愛內崇經邦之要外順遐邇之心豈不固宗廟之 臣間有虞咸熙苗人逆命殷宗大化鬼方不賓則戎狄京 之義上有偷而下有序臣等特承樂寵思竭丹衷旣為唐 本允人靈之願則陛下巍巍之業貫三光而洞九泉親親 計何奈卿士黎人之議何伏願陛下為社稷之遠圖割 **備中宗朝為右補闕遷祕書少監開元時為修圖書副使** 金分白屋づ一着二下プー 盧俌 論突厥疏

賂以巨萬首頓益驕選冠不止則遠荒之地山悍之俗難 我亭障皇赫斯怒將整元戎臣開方叔帥師功歌周雅去 侵其來遠矣漢高帝納妻敬之議與匈奴和親妻以宗女 悍志無遠圖此乃騎將之材本不可當大任且師出以律 知中權制謀不在一夫之勇其蕃將沙吒忠義等身雖聽 以德級可以威制而降自三代無聞上策今匈奴不臣擾 其說禮樂敦詩書晉臣杜預射不穿札而建平吳之勲是 **所耀武熟勒燕山則萬里折街在於擇將春秋謀元帥取** 將軍死級秦尅長平趙括受戮胡去馬邑王恢坐誅則

欽定全唐文、卷三百六七 常惠用烏孫而匈奴敗請購辦勇之士班傅之傳旁結諸 間以蠻夷攻蠻夷中國之長算故陳湯統西域而郅支滅 軍有刑古之常典近者鳴沙之役主將先逃輕挫國威須 蕃與圖攻取此又掎角之勢也臣聞昔置新秦以實塞下 合紀錄以勸戎行賞罰旣明將士盡節此擒敵之術也臣 則扭習戎事完識夷情其所廣獲因而賞之近戰則守家 正邦憲又其中軍旣敗陣亂失窮義勇之士猶能死戰功 宜因古法勢人徙邊選其勝兵免其行役次廬伍明教令 )戰則利貨趨赴鋒鏑不勞訓誓朝賦楊柳夕歌状杜三

爵不以私愛人之財節其浮役情人之力不廣臺樹察地 兵使内郡點黎各安其業擇其宰牧輕其賦徭事無過舉 積果謹設燈燈精飾戈子來則懲而樂之去則備而守之 年之後可以久安臣開漢拜郅都匈奴避境趙命李牧林 次定全事之 卷二五六十七 利天時以超耕獲命秋獨冬行以教戰庫則數年之後有 勇知方帑藏山積金革犀利然後整六軍絕大漠雷擊萬 此又古之善經也去歲亢陽天下不稔利在係境不可窮 其邊州刺史不可不慎擇得其人而任之蒐乘訓兵屯田 胡遠竄則朔方之安危邊域之勝負地方千里制在一賢 盧俌

金万名大艺人 里風掃二庭斬踹林之首懸藁街之即使百蠻震怖五兵 載財則上合天時下順人事理内以及外級近以來遠以 其流多矣至漢武帝初置刺史秋六百石掌察墨綬以下 惠中國以靜四方臣少慕文儒不習軍旅奇正之術多愧 其黃綬以上則不察焉所以全長吏之威行不擾之政也 牧伯之命非不古也怕漢襲秦罷侯置守方制萬里以級 北人令出王庭威行郡國南海與利東海詳刑人以阜安 前良獻替是司輕陳暫議 置都督不便議

督專生殺之柄典刑賞之科若委非其人授受有失權柄 次定全事文 卷二百六十二 督事恐不便今巡察御史秩卑任重御史之流也委以時 前王之令典俾夫化治昇平務依貞觀制度矣 既重疵熨或生又非强幹弱枝經邦軌物者也其新置都 振浸以陵夷則事之汗隆詳乎典策今天下諸州分隸都 著於是罷州牧又置刺史及東漢之時復置州牧王綱 巡奸先自禁伏請慎考古道率縣舊章法乾元之簡易守 至漢成帝改置州牧秋二千石遂以秋高自守而功業不 對禁牆判 盧備

帝王是宅河洛之陽雲闕嚴嚴列綺城之萬雉環途隱隱 黃圖多樂赤縣理雖謹察故典遵牧黎人必使溝洫廣開 露官牆坐見室家之好全頹環堵行膽湫隘之居且揆務 垣牆甚厚因兹法令正叶随時坊人以東里北郭則邑居 輝灑洪雨於四沒布族雲於千里煙凝萬井萍汎中衢半 金グミノニョネニュ 分體國之九經重開交關樓臺相距屬陰風迴扇累日沈 各異點妻椅頓乃家産不侔奚事薄言佇遵恒式既資眾 洛陽縣申界內坊牆因雨頹倒比令修築坊 訴稱皆合當面自築不伏率坊内眾人共修

欽定全唐大學卷三百六十七 郎奉迎中宗房州既踐位進太常少卿修武后實錄封高 提以產氣配神明而作主倬四后之在天伊萬物之胥都 維帝唐八十有五載鴻微樂於縣寓騰陽精握機矩還攝 彦伯名洪以字顯兖州瑕邱人對策高第累權職方員外 平縣子思衛州浦州刺史擢修文館學士工部侍郎轉太 十賓客開 元二年卒 力須順人心垣高不可及肩板築何妨當面 徐彦伯 南郊賦 徐彦伯 艺

敬吟蓼蕭以游渥合桌桑而蘊正關石蘇釣飛沈翔泳擇 明居之全法撰蒼渠之闕今則太階平而玉衡正也庶績 與湯者不其、思致軍允神聖浸發採命芬德馨香崇庸私 星辰張輯稽古之禮物懸象魏之舊章雖配天復禹繼嗣 齊光杖太一歐羣剛共工戮分河嶽正旬始城首格三分 我聲教驗奔我珪組納大荒之管鑰伏堪與之局户兹可 我皇篡戎而昌青氣搖社白雲入房與天地合契與日月 以孩點贏扶盤古苞混茫而首出亦奚云於三五哉於穆 左日壑右星圃吹烈火於炎邱觀堅冰於委羽莫不匍匐

之成功定皇天之寶位昼驚司典鳴鳩蔵職崇泰壇考星 之類紛擊畎茲邦誦中和此歌小步歲合作噩日交長至 英景雲璀璨而金萼雙絡共抵之獸躑躅苑山一程二米 之箭是以元龜遊平湍瀬丹鳥吟於觀閣芝房菌蠢而玉 異畫八卦以通道錯五行而辨城對越精祇恭羅正直木 钦定全唐文卷一百六十七 选朔旦之明期釋純陽之正地欲陳大旅展時事告紫宙 異火而般為豫乘雷以罔極戴的清野土訓掃塵繚垣虹 洪疑賡歌浩作陰騰於下有爭與若恢負勝之圖實昭功 合參途電聯籠組惟以艾景覆皇那以慶煙官伯針其禁 徐彦伯

鬱之鳴轅按金雞之廣術傳畫角以啾嘈曳朱旗以駢生 軌紛鴻溶以騰逗叛適皇而伯傑或駢肩而側足候吾君 以有密於是關龍次幸蛇情鶉鳥司襄熊罷奉收皇帝乃 内賽京其贏周虛攢構以戰音列蘇抗蓝而翩綿絕絕都 彰畫微襲大裘端玉珽肅珠梳翼點移穆遂臻於園印躬 之戾止若葵霍之傾離光同江河之赴溟水也然後敬端 人濟濟多士九牧之中百蠻之子莫不挈馬提羔攢影噎 警仙彈雙鳳矯首六龍齊膝青布骨雲紅旌彗日銷玉 風伯令戒道制元冥使司律此靈祇所以保級皇天所

筐之點皇后介禮恭兹亞莫凝億兆之歡心注穹蒼之景 禮數於形壺布徽音於紫縣率先於金簿之聽謹覆以瑤 元費之蘇態盛哉坤極順天樞見即乳祥開會沙業薦赫 以香羞陳蒼璧而咸事藉白茅而開幽絜縣旄之泔淡酌 眄紫微開分天香滿神之來兮軒星纂候黃鍾兮雪飛調 孝享擁神休設天宗之六席援長發之二球盥以明水薦 祥光熠爚於旄罕三解終獻萬祇呈醺昇羽節導靈羣器 煙而上征輕鳳智霍迂鴻釐之無算瑞氣蜿蜒於藪句 吕兮風媛戛雲和之實瑟吟孤竹之清管石麟天矯團

欽定全唐文、卷三百六十七 組禮罪功成天旋日轉宸儀允穆后庸胥展引大火之流 肆夏以青唇殿登歌而咽雲微鸞點之風沓致散穀之綱 旂 迎夷庚之翠輦倪三巒之崇構御六氣之遙辨覽太元 霄壓對壽觞霞舉兮絲竹龢筐筐岳立兮駢差峩天子方 風行之絲談比與者奏時邁之歌荡為乎巍巍乎無得而 澄兮紫波屯千穀以霆轉整萬轡而星羅則述易象者獻 合符於大庭之國錯事以梁父之阿岱則疑兮青嶂汶泓 之神策張集靈之瑞典草木亨兮雷雨雾霈湛思灑兮雲

既濟而未濟懿夫席帆錦纜蘭榜桂椒不日而成嘉謨允 宏年之潛計測淺深之量將載沉而載浮陳去就之宜則 乃乘素秋鏡清流假道於河伯息肩於吳牛因去彼以取 写今惟策代表獨升中分享壽千億傳無窮兮 野者徹侯求人之莫分帝之憂以為莫方輪轉病於行轉 叶蒲且罔設寧勞漁子之家財用無虧不奪農人之業水 此遂舍車而造舟革故鼎新裁規創制通子房之妙界運 煌煌靈臺告成功分我君孝享亞坤官今純嘏布獲延皇 人のこれから、長さいすぐとい 分水新船賦以虚舟濟物利 徐彦伯

金万石屋了一港ニモプー 漢武之複船當秋風之權唱候明月以扣舷載稟儲而奉 處恥丹朱之陸地為首翩然魚鮮比川映汾陰之實鼎參 器若往若來無顛無躓奢淫自戒厭殷帝之酒池遊戲無 流排難觸物泛波濤之不屈狀勇者之拂鬱船之時義吉 卑委順外静中虚混泥沙而閉矣象智者之居諸逐便乘 飛見天邊之一禁伊負重以致遠非印否而人涉及夫安 之積也厚船之動也捷迴朔並騖識波上之雙見倏忽孤 無不利向之為材也標挺特之材今之為器也作殊常之 國達方物以朝天可以通河渭可以诉涇瀍斯斯勞而永

波之末夷猶區域之外願一涉於龍門接神仙之喜會 逸將冠古而爭先且知君子攸作務於遠大美利亟行莫 钦定全唐文 卷三百六十七 其席卷之初攻必勝戰則克因利乘便追亡逐北自以爲 然而嘆曰傅翼下鞲視人則偷鯨吞我實罪蠶食我諸侯 庸之最別有荷為衣兮蕙為帶鼓輕世兮張翠蓋香測煙 班孟堅輟編史閣掌記戎幕坐热阜之陽覽秦城之作喟 不輕賴厥聲載路賽歌濟巨川之功史不絕書考課獲疇 鞭撻我上國動搖我中州所以二世而圓職此之由平當 登長城賦 徐彦伯

蕭牆之嬖濫行高闕之誅鑿臨洮之西徼穿負海之東隅 馳撐犂之驕子曾不知失全者易傾逆用者無成陳涉以 點首之死亡無日白骨之悲哀不已猶欲張伯野之絕允 亭壘飛錫而輓栗者十有二年塹山而埋谷者三千餘里 掇珠玉無脛而奔走朝則貪豎比有野則庶人鉗口負關 猛將虎視馬存綱紀繭戍勃與釣繩亂起連連塢壁及岌 河千里之壯言帝王一家之有神告錄圖七秦者胡實懵 發賊然後馳海若以爲梁斷陽紆以爲藪犀象有形而採 功勤三王威懾萬國重鉄鎖干戈於仁義輕詩書禮樂於

青波堅冰我我危達順帶森木靜柯基峰雪滿聯峴霜多 笳於朧月試危坐以側聽孰不消魂而斷骨哉況復日入 馬窩土色紫而關迴川氣黃而塞沒調噪鼓於海風咽愁 之者勞而居之者泰歲次單關我行窮髮眇點雞田幽 歷金火地分中外因虐主之 淫愎成後王之要害則知作 蛇驗其鴻名板築未艾君臣顛沛六郡沙漠五原旌佈運 間左奔亡之師項梁以全吳趙悍之兵夢擊徵其敗德斬 元洲無春陰壑龍畫驚隼爭擊哀採直透餓鹿夜吃乳皮 北卧而街燭鴈南飛以波河載馳載驟被亭之候唯見 除彦白

晨關敏能抵掌寒龜縮殼悲壯圖之天遇憫勞生之艱遊 欽定全唐文 卷二百六十七 桃李夕今有所思綺羅春兮遇相望登毀垣以辨標坐頹 昔者韓信猜叛李陵拘執望極燕臺山横馬邑戰雲愁聚 薙垣鋪障銀亭伐鼓斬元於鐵防之門流血於金河之浦 衝殿晦急莫不陵地脈以扣心望天街以隕泣亦有王昭 隅以惆悵是以衛青開幕張遼闢上校尉嫖姚將軍捕虜 幽放去家離上渝沙愿障夢壩蛸之戶側坐蠮螉之塞上 霜於琴景雖龍盈氊幄而魂斷蕭關至若趙王遷逐馬融 直送蔡炎未還路盡南國亭臨北蠻貯漢月於衣袖裏胡

勝道哉嗟我羈淪南庭苦辛長懷壯士永慕忠臣經百戰 買誼則洛陽才子飛雄論以過秦歲崢嶸而將暮實煉 之戎俗對三邊之鬼隣徐樂則燕北書生開偉詞而諭漢 登峻壩陟穹石嗟故里而不見感殊方以隕魄者亦何可 張虎牙以泄憤糺蝟鬚以蓄怒及夫中郎殉節博望瑜 欽定全唐文《卷二百六七 取劍小地尋河際天幽海上而萬里竄胡中而幾年銀車 於窮塵 之設載逾九百古往今來歸然陳述窮海戰士孤亭戍客 府出玉節仍旋南向國以樂只北建沙以莞然嗚呼長城 徐彦伯 川出

皇帝瞻在原之墜響感聯等之凋陰禮奠收兮泣遺迹同 年十一月二日乙酉將遷座於定陵禮也畫攢毀亦雕輼 神龍皇帝崩於神龍殿旋嬪於太極殿之西階粵景雲元 維景龍四年歲次庚戌六月辛已朔二日壬午大行應天 少典之子重元之孫珠聯寶系海浸昌源鳳鳥鳴國蛟 猷於玉字其詞曰 肅軔縞綿霜迴丹旂雪引御穸臺之眇黙背天閤之崇峻 氣缺兮悲聖心爰命下臣式揚鴻懿咨資烈於金牒刻明 中宗孝和皇帝哀册文

道越登庸樂膺繼體位擁青陸業移朱即春誦夏往冬詩 阜成四門光開宵衣若属道風猶尼野接翹車殿橫儒席 芝璽仍傳拱點當宁廣歌撫絃堯親更睦為德逾擅萬寶 秋禮復子明辟固天攸故鵬舉提象鸞飛鑿乾蘿圖已御 克睿允武允文就之如日望之如雲聲中律吕辭含典墳 光亨累聖欽若應天續我前慶身佩星斗掌提職鏡克明 要荒走幣削觚反樸寬刑薄稅俗富京坻人忘疵邁帝圖 留連錦游婉變解客潤治泉草一作恩周卉毳鞮譯舊輪 守門於鄉皇朕赫應成命青靏南浮形雲北映掃刷中寓 余罗白

晶晶分露驚月玉座微微兮花掩塵嗚呼哀哉列綺城之 龜謀入兆犀韓移輔喝苦挽於香掖咽酸笳於階旻形皆 豫遊時若慕於喪此道空存於委裘嗚呼哀哉惟幾在辰 龜負絲檢麟街斗樞孝思罔極崇庸克賽親幸國陽式陳 奉於末命天下悲乎晏出嗚呼哀哉宗伯莅典同軌赴辰 穆一達吉仍几虚座級衣空室景冷攝提悲纏翼日羣臣 洪範盈疇將球華蓋遙封岱邱厭紫宙之阨僻追白雲之 欽定全唐文 (卷三百六十七 昭配翠輦容與蜺幬晚暖蒼壁森羅明祇肅對无經備典 廣運天意難誣旃旎祥錄張皇瑞符仙芝抱砌神蓮搖廚

欽定全唐文《卷二頁之七 言語節飲食又云出其言善千里應之出其言不善千里 既石馬之新塗下金天之舊坂見疎杏之原長覺深松之 違之禮亦云可言也不可行也君子不言也可行也不可 今聲無窮鳴呼哀哉 路遠嗚呼哀哉伊昔零話光謀壽宫狗那我后復幸方中 書曰唯口起羞惟甲胄起戎又云齊乃位度乃口易曰慎 委冠劍於泉家係明靈於昊穹山有移分海有變道無關 哀仗引滋橋之渡憶朔殿急兮御道寒愁日晦兮雲郊晚 樞機論 徐彦伯

亂將不密以致危利生於口森然覆邦之說道不由衷緣 於洪範良有以也是以拘摭瑕玷詳點躁競審無恒以階 行之主也志之端也身之文也既可以濟身亦可以覆身 故中庸鏤其心右階銘其背南容三復於白圭箕子九疇 言也君子不行也嗚呼先聖知言之為大也知言之為急 肝膽楚越然後知否泰樂辱繁於言乎夫言者德之柄也 則物應物應則得失之兆見也得之者江海比鄰失之者 也精微以勤之典謨以告之禮經以防之守名教者何可 不修其詁訓而服其糟粕乎故曰言語者君子之樞機動

欽定全唐文、卷三百六十七 被如簧之刺可不懼之哉其有識暗邪正慮微形联破 顏追謝於元凱蔣濟遺恨失譽於王陵犀首沒齒於季章 盧聚音龙也羣吠得死為幸何修名之立乎雖復伯玉沮 湯之箭封禍亂之根用站歸為雄辯以號級為今德至若 史遷輕議終下蠶室張紘詭說更齒龍泉凡此過言其流 絕息為也面招甲兵之罰鄭曼圖宋卿也而受鼎獲之誅 悟宫問答荆齊所以奔命韓魏加肘智伯所以危發蔡侯 挟邪作盡守之而不懈往輒破的去之而彌遠亦何異韓 匪一或穢猶糞土或動成刀劍或苟且其心或脂膏其吻 徐彦伯

|朽職孫之言也是為德音諧我宗極滿於天下貽厥後見 為善一言敗之情乎老子亦云多言數窮又云聰明深察 也出為金石曾子之言也存其家邦國僑之言也立而不 大雅之言猶鐘鼓也人考擊而樂焉作以龜鏡周公之言 聽也下言者上用也寄詰之言猶天地也人覆燾而生焉 曹瞞訴舌於劉主當何及哉孔子曰子欲無言又云終身 黙曷通彼此之懷括囊而處孰故謨明之訓則上言者下! 至平夫不可言而言者曰狂可言而不言者曰隱鉗舌拱 而近於死者議人者也何聖人之深思偉慮杜漸防萌之

終日行不遺已患終日言不遺已愛如此乃可以言也戒 法言不敢道翦其熙熙之緒撰其炎炎之勢自然介爾景 钦定全事文 卷二百六十七 徐彦伯 時間上請 於非黨不屏營於龍遇非先王之至德不敢行非先王之 思而應精慮而動謀其心以後發定其交以後談不髮趨 般宗甘之於酒醴孫卿諭之以琴瑟闕里重於四時郢郡 輕其千乘豈不避哉豈不休哉但然探大飲克念丕訓審 福錫兹純嘏則悔各何由而生怨惡何由而至哉孔子日 同韋子遊神泉詩序

明子乃盥焉明臺子乃敝焉相視而笑曰異哉豈太平殊之鳥戲泉潭虛融派流徑復信造化之極神明之傷也裕美原北澗有神泉生焉裕明子明臺子尋故人韋妲因遊 言而不酬云 感而循化有助邪則韋子蓋文章之雄也昔投雅與諒無 臣等謹按經史正文無天子每月告朔之事唯禮記五蒸 仁箭聖歷中官司禮博士 碎間仁謂 明堂告朔議

以秦制月令有五帝五官之事遂云凡聽朔必特性告其 事則京官九品以上諸州朝集使等成列於庭此則聽朔 之禮畢而合於周禮玉藻之文矣而鄭元注云玉藻聽朔 時帝及其神配以文王武王此鄭注之誤也故漢魏至今 藻之聽朔矣今每歲首元日於通天官受朝讀時令布政 於邦國都鄙干實法云周正建子之月吉朔日也此即五 告示下人其令詞云其帝其神耳所以為敬授之文欲使 英之適用按月令云其帝太昊其神勾芒者謂宣布時令 云天子聽朔於南門之外周禮天官太宰正月之吉布政 時間仁衛

禮論及三禮義宗江都集禮貞觀禮顯慶禮及祠令並無 施於人列在祀典無天子每月拜祭告朔之文臣等謹檢 是諸侯之禮明矣今王者行之非所聞也按鄭所謂告其 人君每月告朔於廟有祭謂之朝享會自文公始不視朔 故春秋左氏傳曰公旣視朔遂登觀臺又鄭注論語云禮 敏定全建文, 港三下八十七 帝者即太昊等五人帝其神者即重黎等五行官雖並功 人奉其時而務其業每月有令故謂之月令非謂天子每 天子每月告朔之事若以為代無明堂故無其告朔之 朔日以祖配帝而祭告之其每月告朔者諸侯之禮也

堂即孝經宗祀文王於明堂也此則無明堂而著其享祭 明堂而經典正文並無天子每月告朔之事臣等詳求今 告朔令諸侯使奉而行之之義也謹議 之祭以正國經竊以天子之尊而用諸侯之禮非所謂領 古博考載籍旣無其禮不可智非望請停每月一日告朔 何為告朔獨關其文若以君有明堂即合告朔則周素有 則江都集禮貞觀禮顯慶禮及祠令著祀五方上帝於明 さんたし 人口手のこと 一人 しんこうている